

南陵縣志卷三十二

人物志

懿行

明丁恕字子貞德性敦厚仗義輕財鄰人垣壞獲束帛內皆白金簪珥問其人答曰妻亡女幼恐致遺失故有此藏不意垣潰終失也恕還之其人分謝不受生

平好周人急不輕然諾時稱厚德君子

通志孝義

何璧字世奇性穎異入邑庠力崇正學冠婚喪祭一遵家禮遼東太學生邱經寄貲五百金邱卒於南都璧訪其里人張隅召經弟還之封識宛然嘗開館孟

南陵縣志

卷三十二 人物

一

塘辨析經義士類多所造就及卒門人吳景等請大司成泰和羅璟文表其墓著有西齋集

通志孝義

許夢旂號明宇邑庠生博覽羣書少與兄夢熊同力作以奉親兄成進士旂資產僅中人而樂施予萬厯戊子己丑戊申邑大侵多道殣者楷瘞之躬載餽粥望門相餉賴全活者甚眾里稱厚德

秦邦相號慕新秉性和惠萬厯中洊苦水旱設義倉賑賑周人婚葬歲以爲常姪鳳儀以貧將廢學相勉之給以膏火假貸徧村野臨終悉焚其券

戴芑號華邱少失怙事母以孝聞撫幼弟以成立二

弟早世所遺孤姪皆藉教養析產一如己子後子姪列庠序登科第人稱義方之報

張應宿號繩柏署丞茂蕙子由纂修貢授光祿署丞居鄉居官並謙謹廉飭癸酉以軍需奉命入秦謝絕餽遺所過以清介稱嗣乞歸著詩自娛邑舉鄉飲賓朱思泮性樂施予萬厯五年大侵泮出穀千石以賑巡撫御史朱公儀望特旌焉十六年子文敏復賑饑知縣郝世科題其門曰尙義之門王孟明萬厯間人嘗以捐穀助賑請義民冠帶扁額部詔尙存

南陵縣志

卷三十二 人物

二

葉殿賢忼爽好義崇正十五年大歉流離載道賢捐貲煮粥以餬飢者凡數月又施櫟瘞道殣郡邑旌其閭

吳忠允字象先忠臣景後邑庠生父早歿事母撫弟孝友備至年七十四三月前預知卒期人弗之信屆期沐浴更衣呼子姪輩畢集於庭教以忠孝睦婣之道焚香告天端坐而逝

吳大儒字聖瞻十歲喪父力耕養母夜則帷燈誦讀徹旦不寐補博士弟子員性耿直鄉里欽其行誼遇人忿爭片言解之皆爲輸服

王秋檀之子性豪爽有慧識捐貲刻大觀本草建忠川橋殷尙書正義尤都憲振德陳都憲道基微時俱困屈市肆秋一見驚異折節器重多方資讀後皆貴顯毫無德色

王宗憲輕財尙義崇正十三年陵邑旱荒宗憲捐穀二千餘石助賑一時災民多賴以存活孫有鼎庠生性穎異以謹恪見推里黨善詩著有谷中人集食餼三十年齋志以歿以子廷介贈武德將軍

王可宗字寅仲年十八補諸生父歿兄章甫肄業南雍宗理家政秩如也家有餘粟不糶販外郡留濟本

邑崇正庚辰辛巳荒旱頻仍斗米銀三錢煮糜以賑凡數月有同學友戲給宋入別室預藏一女優於內宋愕然即自牖中逸出歲癸未學使以優行舉表其問曰德孚輿論

清劉篤生字君因觀察有源次子與兄蘭生友愛特至幼同受書於父而英敏絕出父奇愛之以博士弟子員入成均父宦遊所至輒命隨侍書疏多出其手性仁慈喜樸素遇人無貴賤老幼恂恂自下手錄嘉言懿訓喜爲人講說不善治生而孜孜以濟人爲務嘗煮粥以食飢人施櫟以瘞道殣鄰有以屋售者念其

棲止無所聽久居焉買婢詢知宦裔亟召其父還之有友之官貸二百金未幾落職回窶甚封還其券人盜賣其山木二千餘株莊佃竊其倉穀而詭以盜劫告恐滋牽累概笑置之家益落而終欣然嘯歌自得初舉鄉飲賓巡撫張公朝珍以善人旌卒年七十祀鄉賢子繩武仕河南儀封知縣贈如其官

梁穀字元錫由邑庠入監前壬午積分貢生考授府通判順治初詔徵之以母年老不赴爲人慈和愷悌荒年出粟三百石以賑鄉里

王養元字體乾家赤貧竭力供甘旨母病糜股以進

病立愈讀書砥行爲文高古性踽踽涼涼不喜與流俗人伍恥言治生事析產任兄弟所取已不一問伯兄疾篤一子幼弱藥餌殯葬俱身獨任不累其孤弟某被誣竭力營救不令弟知邑有受凌侮於豪族者輒仗義助理其人潛致餽謝峻拒曰若是我爲私矣爲諸生五十年不一干長吏竊甚聞家人嗟歎聲曰何歎爲安分立志而已晚年撫孫奐曰汝必大吾門恨我不及見也後果如其言卒祀鄉賢祠

方初元字汝貞少有至性父希明貧甚勉力甘旨以事其母朱朱每分以食初元初元以祖母老且不得

常肉食輒不受稍長就學通經義爲文有法度聲噪里中念父作苦田間時荷鋤以從夜則挾冊就母紡績燈前讀之及長授徒御酒肉默念父母洗腆不給食不下嚥已而辭歸躬耕以養父其伯父希珍與子夏元相繼亡爲撫遺孤如己出族有寡人子質富家亟畀金贖歸里黨貧不能自存者以告輒得所欲嘗買地治生墾踰年爲強有力者所奪且以橫逆加初元置不與較專以教孫爲急歲侵家日食菱苳必精繫以膳塾師有能文友至則竭豐腆數晨夕以相切劇常誡二孫倬仲曰汝兄弟勿以貧故廢業勉讀書

南陵縣志

卷三十二 人物

五

振先緒後伸以名進士官庶常歷郡守每念厥祖淚涔涔也

程天衡字造先樂善好施修橋梁補道路惟日孜孜如有不及嘗自謂日行一善則宵安於寢蓋其性然也康熙戊午舉鄉飲大賓郡邑旌其閭

黃龍光字龍生原名繼韜有膂力善騎射技擊或勸應武科弗屑也學使以五藝大收入泮家無中人產而好施予里有貧鬻妻者數家咸賴保全有以重貲託孤者堅辭不得孤殤盡以其貲付孤之親屬始終不染毫末初龍光父以三十金置田三畝其人據不

與後子弟長知其事欲與爭龍光曰我能讓過五十年汝輩不能忍一時乎其德量如此後子學懃令山東費縣龍光日督人墾署內隙地種植蔬菜食不重味曰枉取多由廣用以子封費縣知縣

王熙字緝之邑庠生兄弟六人熙其季也砥行讀書尤具至性事父母色養倍至及歿購地營葬自祖父母以及兄姪皆歸殯費出一己至稱貸變產不懈第五兄早世爲撫遺孤教養婚娶姪孫少孤亦賴熙以成立熙初艱於嗣年五十後連舉二子長肅次郁肅諸生負才譽兄弟友愛克世其家云

南陵縣志

卷三十二 人物

六

劉有章字闇初原名希適性孝友年十八父卒哀慟之餘謹書遺命於壁間時泣誦不敢忘撫幼弟弱妹俾成立妹適徐妻甚章多方營置使無匱乏嘗鬻己產以葬祖母弟有詔五十無子爲置妾育嗣排解紛難數言立決鄰有爭鬭者聞章至輒斂息襄理宗事修舉廢墜族人賴焉人以急告隨力周之一日諸子侍立有跛倚者切責之配何氏私誡諸子曰汝曹行坐須端正毋致汝父怒也汝父一生方嚴汝曹其效之

朱時陞早失怙恃值明末寇盜縱橫所在奔竄陞攜

兩幼弟西徙東遷保護倍至及長皆爲授室皓首同居怡怡如也至助同族之不殯者三嫁孤女之不能嫁者二憫堂姪伶仃爲之婚娶念孀嫠餒凍歲給米薪至今里中稱陸篤內行云

劉發宣字君弢觀察有源季子穎悟善記誦年十三補邑庠生明年謁部堂耿公留試二藝亟賞之贈以幣初不知爲有源子也攻苦自奮出入經史一時才彥莫先性恭順廉約布袍蹣跚人咸宗法之喜緩急人歲嘗餽飢者以粥被寒者以衣順治十四年奇荒同叔兄篤材各捐穀三百石以賑巡撫蔣高其誼爲南陵縣志

卷三十二人物

七

請聞詔賜旌獎篤材字君培爲名諸生兄弟自相師友其砥行飭躬樂善好義與弟同而尤懇懇以造就人才爲事襄理宗務營募建文昌閣會課能文之士族人資其興起爲多

陶景賡禮部儒士性端厚重根本事兄景整尤盡情禮待宗族鄉黨恩義具在口碑子璨瑤璣俱諸生世守家法禮義爲宗詩書爲率有一門鄒魯之目
劉學禮字繩如康熙丙午武舉會試未售時同邑吏部考功司劉宏基其業師也欲禮留京効力可循例資選禮以母老不忍久離適歸涇有故人子貧甚攜

妻將遠適遇諸途急稱貸二十金俾得完聚歲辛亥大旱族多不火者禮曰吾無穀可均乃鬻田二十畝分給之

黃學慙字敬若龍光長子性敏異沈靜敦內行年十六居母喪勺水不入者數日父憐之再三慰諭始稍就食飲弱冠受知於邑令姚自泓時同里進士王際康亦應童子試姚面試兩人凡五覆不相上下隨入泮食餼學使李觀風甯郡拔冠七學會選拔頗屬意謂其老太息久之其實年甫四十餘以鬚髮早衰疑而止歲乙亥始輪貢居家恩義兼至孝友著於里黨南陵縣志

卷三十二人物

八

人以急告必多方周之不則終日歉然如有所失聞人善輒津津稱道不絕口不言人過故旣歿人猶思慕不衰
汪象琚字繫珩邑庠生父宸祚以應試卒白門三月而琚始生琚以未得見父抱終天恨事生嫡庶三母孝養均至嘗曰三母以琚故同備嘗艱苦琚何敢歧視傷吾父泉下心伯含初石塋甚宏麗一日某以石私鬻豪家毀折殆盡琚訟歸其石奉伯母櫬合葬封植如故費多金不惜也會歲饑寇盜充斥民多流亡琚隨方收恤給牛種以使之耕卽素與構難者待之

亦然每歲除計族鄰之貧乏者分上中下給錢穀有
差年十四時家夜被火有批琚面而奪其手中物以
去者未嘗顯言其人子弟問及琚曰知其人不如弗
知也終不以告子本遠本遂並歲薦謙謹自持克守
先訓云

馮鶴徵順治甲午武舉幼喪母父性剛方繼母復嚴
厲微曲爲承順父久而憐之遺別居田產器物悉以
讓弟父亡弟產盡廢復召與同居爲婚娶延師教之
得以成立獨力葬親費不弟問性坦白無私遇事直
言人每就質曲直往往望門而返

通志
據記

南陵縣志 卷三十二 人物

九

戴上順性淳樸好施予孝友篤至繼母偏愛所生事
之愈謹康熙辛亥及丙寅歲俱大侵上順前後捐穀
百石賑之

戴其召字明夷邑庠生性嚴肅嘖笑不苟客過者望
門卽整冠斂容然後入其爲人所敬禮如此

戴志讓幼孤耿介自立性慷慨族賴舉火者數十家
有邑紳貸白金之任後以千金寄存尋復索取志讓
慨然與之封識宛然絕不言所負喜排解紛爭卒之
日哭者徧衢巷

何嘉祺字介吉性倜儻慷慨尙氣節嘗因邑人困於

里役條陳利弊懇行條編觸當事怒遣戍秦州行時
哭送郊外者幾千人康熙辛酉赦歸里中諸先達咸
作詩頌美焉

周有舉家貧訓蒙年五十四無子康熙壬子冬歸自
館見道廁有衣祇懸壁間攜歸視之白金也亟復攜
至其處俄頃一人倉皇行泣曰吾死矣吾死矣問之
旌邑篋工郭明宇也兄弟數人辛苦經年積三十餘
金如廁遺失不知所在舉覈其數符遂與之其人泣
謝而去後連生二子年八十四卒

姚希變性誠樸樂施予嘗撫人遺孤爲之婚娶俾成

南陵縣志 卷三十二 人物

十

立者四人姚孟姚貽高明葉仕有貧鬻妻亟捐金以
留者三人黃登徐甲姚鶚康熙丁亥戊子荒疫洊至
變罄所積賑米粟饋藥餌施棺槨頌聲四起

通志
孝義

劉應湛字蔚起邑庠生光祿楷第四子性穎異善屬
文尤孜孜好行其德康熙丙子秋就試句容時異蛟
發山中平地水驟高數丈湛亟登城呼曰有救一人
者予二金於是人爭奮力援救得不死者凡數十人
湛傾囊如約予之不足更轉貸以給其被溺死者復
買樽收瘞焉

徐五元家僅中人產而性仁慈康熙丁亥戊子間荒

疫洊至五元惻然謂二子哲智曰天災如此吾力不能及一縣願罄囊以周同族不足即罄產弗惜也經營米粟逐戶計口給之病者濟以藥餌如是凡數月知縣方震煒以鄉飲賓舉

通志
孝義

馬晉邑廩生性醇厚多長者行嘗應試郡城拾遺金於道坐待遺者至驗實還之其人分半謝晉辭曰吾不利全而顧受半耶精岐黃業歲戊子己丑時疫盛行皆比戶醫治而不受一錢人問之曰今屬何時忍受錢耶人至今稱之

張士毅弱冠亡父嘗割股療母病路拾遺金坐待其

人還之

吳銀字玉友附監生本休甯人入籍南陵後遷居宣城幼喪母哀毀執禮如成人孝庶母不異親生諸兄析箸貲產概不與較伯兄子早孤教育備至宗族嫺戚之貧者多賴其扶助康熙戊子雍正丁未值歲歉共捐米六百石賑饑又屢捐金助修府學暨宣南二學嘗買陸氏墳山營葬地師擇穴正逼陸塋慨然曰吾欲昌吾後陸獨不欲昌後乎遂罷其事後以子瑞受封年八十三卒子芳字聯先貢生幼喪母哀慟逾成人繼母病經年晝夜護視不少懈撫育異母弱弟

友愛尤篤性好施與夏茶冬絮助婚娶賑饑黎鄉人德之孫一鳳由副榜授教諭國保舉人

劉沛字霖起光祿楷第五子中康熙癸巳舉人性孝友居喪哀毀盡禮兄弟先後並逝沛調護諸孤俾各成立初光祿置義田贍族沛更給膏火勸讀給米肉養老歲歉不敷倡捐以濟邑有公舉皆嘗竭力襄事助婚贖鬻施棉給構施予不吝後觀政刑部期滿未仕卒著有日新園詩文集藏於家次子攜己酉舉人

與嫡母曲盡歡心嘗捐千餘金建造宗祠屢捐金助修文廟關聖廟惠民橋青弋江圩壩雍正丙午邑大水散穀賑饑全活無算生平性喜藏書工書能詩以子祖佑受贈詳封廕

朱之寔侍父病數月衣不解帶每夜必數起母病復封股調藥後母染瘋疾寔侍奉益謹子姪百餘人同爨五世嘗還遺金以救急捐倉穀以賑饑有陳某以負債鬻妻寔自莊所糶穀還攜銀三十餘兩傾囊予之遂徒手歸

省志
孝友

劉宏振字聲玉州同少隨父之官壽陽讀書之暇旁

通吏治叔沛總理祠務振同心襄事家政以肅師張
某卒貧甚出資助殯葬並爲其家力禦外侮歲壬子
當事議於本邑漕糧照旌太例改折邑人相持不敢
言振獨力陳利弊事得寢通邑便之

謝玉繩字右衡弟賜字公達並邑廩生慷慨好施邑
造文廟買基以拓東廡歲暮輒發粟給棉以恤族黨
嘗捐金全人妻子十一家買地二十五畝收葬枯骨
千餘具

何天安字孟甄由庠生捐貢性孝母病劇仰天而泣
夢得藥方進之獲瘥居父母喪早夕泣奠三年如一

南陵縣志

卷三十二 人物

十三

日捐金修文廟橋梁祠宇皆不遺餘力值歲饑疫賑
粟施藥全活頗多舉鄉飲賓年八十二卒

王茂京邑諸生少孤生母亦早喪事嫡母備極孝養
復體母意周給外家甚厚族嫗貧乏捐助無吝繁昌
有鬻妻者捐金貸償獲全又嘗捐造赤沙灘回龍墩
諸橋至今人頌其德

俞藻貢生性孝友兄已出嗣析產仍均且辭豐受約
族有孀婦三人極貧贍之終身死復爲之需其居在
義興圩被水衝決倡捐修築至今賴之又捐田三
十餘畝以興家塾云

李時基歲貢生少貧以善事父母聞代兄服勤未嘗
言瘁中年始置田宅救急恤窮賴以舉火者甚眾歲
饑粒米斗金族有逐兒者爲收養之堂弟時昇姪應
弼應轉無力婚葬貲助無吝女弟二適人後生計窘
乏並爲置產而自輸糧云

陳其昌字順之父老弟貧獨任孝養父喪明扶掖護
視歷久不懈康熙戊子己丑間歲侵族之待以舉火
者三十餘家又捐腴田十一畝入宗祠兩舉鄉飲介
賓壽八十八

諸音慶職員幼失怙恃家故貧比長務勤儉稍裕生

南陵縣志

卷三十三 人物

十四

產遂推有餘以濟不足行義足嘉焉子天相考授主
簿克光前緒惠及鄉鄰當事屢獎之

王京仁州同職康熙四十八年鄉里饑仁按戶給穀
雍正十二年水災亦然子中孚國學生好行其德族
黨稱之

葉鳳吉職監生積善好施邑南山嶺高數十丈斲
石爲路以便行人康熙五十三年大稔捐穀五百石
臺司以下咸旌以額

王錦附貢主九歲喪父與弟鬱林怡怡友愛以色養
博母氏歡長居鄉里輕財重義昆弟同心鬱林子長

禧附貢生州同職施粥賑饑市糶埋殮亦克承先澤云

陳可勳號眉川職員自其祖友誼倡建崇聖祠義塾動鄉邑可勳稱濟美焉若修城垣埋齒幣輸粟餽藥以振貧病捐田給穀以培宗支皆匪勉爲之至老不倦

何廷鳳監生濟凶荒周急難誼深桑梓邑令表其門賈逢源字漢中郡庠生居家孝友文行兼優年饑出儲粟以食餓者不足則鬻田繼之

許兆衡六世同居和睦無間嘗曉行經盛家橋見遺

金重可百兩坐待其人還之蓋當塗陳姓赴繁昌販

丹皮者陳欲酬以金衡掉頭去

省志 孝友

張永泗

省志 泗作世

字杏源號魯溪由邑庠授州同五世

同居治家嚴肅凶年周恤鄉里勇於爲善嘗修治奎

湖石路行人便之

省志 孝友

葉金臺庠生歲饑饉嘗鬻田典衣以周鄰里疫作則

合藥爲丸存活甚眾歿而無後者助以棺其義舉多

類是

盛嘉愷字克仁爲人識大義不屑爲錙銖計處家以

和待人以厚均能爲其難

汪侑元素行醇愷日以敦本崇實訓其子年九十一無疾逝子中柱文行有美譽以增廣生終

何逢泰貢生自奉儉約遇義舉則以身先之雖傾囊倒篋不少吝

葉必鑛貢生年近七旬猶與同懷諸弟如童稚歡其天性有過人者至於助婚喪修橋梁恒孳孳如不及云

潘人鳳國學生好義急公人推長者鄰有孀婦吳氏撫孤守志苦斷炊每月給米三斗以濟其窮故人周茂先年老無依養贍十餘年歿則營殯葬焉

李廷颺監生事節母盡孝每歲暮散穀以贍族人之貧乏者厥後捐田十餘畝收租均給歲以爲常

章可託職員生半月而孤事母跬步不離人稱其孝宅心忠厚與人無爭每見善行必赴之雖瓶無儲粟

廓如也

章可誠國學生少喪母事繼母諸氏以孝稱家僅中人產推有濟無待舉火者甚眾遇災卹鄰同異姓胥

受其惠

葉時勉州同職同弟州判時省修學捐田並承先志乾隆乙巳旱共輸粟三百石以濟鄉鄰縣令旌以額

吉人為善

汪應錦邑諸生乾隆十二年捐資數千金築圩六百七十餘丈以禦水患郡守旌以額曰義茂南邦

張恒升字懷五永泗孫國學生力學敦行為鄉里式外舅鄧老而貧迎養於家歿且葬復置田宅恤其孤族姪某貧不能娶割田助之乾隆丙子大荒捐穀濟饑多所存活

王廷柱

省志柱作貴

字次元貢生仗義周急不拾遺金里

人誦之

汪自新貢生孝子元霄其父也自新嘗在青陽銅陵

南陵縣志

卷三十二 人物

十七

及南陵境獨建橋路七處共費白金九千四百有零

王元趙太學生事親有順德敦善施惠於人實有所

濟學使額獎之

葉大芳職員乾隆五十年旱災捐穀五百餘石以濟

族鄰其平日睦鄰任卹多類是學使以孝義遺範扁

額表之

戴上升監生字尋樂生能色養歿善承先捐置義田

建橋修路助賑急公學政周以扁額孝義繼述獎之

謝珍性敦孝友質直好義建橋利濟鄉黨稱之

吳楫邑廩生性孝友事瞽母朝夕餽睛盲目復明家

故貧時推館穀以贍諸姪完其婚娶

汪國佐監生嗜讀書嘗出多金振興家塾族人賴之性又好施急公至其代人賠累全人配偶尤為時所

稱云

按府志云國佐年六歲父患瘋疾晝夜不離左右父卒撫棺悲泣如成人及壯與兄分爨兄貧

通國佐代償里人某將娶妻以償債國佐聞之贈銀五十兩完其夫婦乾隆十八年捐銀五百金建碧溪

橋又捐修鵝嶺橋澄清橋三十一一年捐修聖廟奎星閣生平義舉甚多徐志略今補注

戴獻字惠先監生家僅中產性樂濟人寒則施棉飢

則周粟兩完貧娶一贖鬻妻又瓶置義田以興家塾

云

徐興字旺侯性篤內行繼母病癱扶持弗懈族有徐

南陵縣志

卷三十二 人物

十八

苟早孤羈他姓其姓不令歸興泣伊祧莫續告於官

經年完聚署郡守蕭獎以篤於周親扁額

戴期達字成章職員心存慈惠收育遺孤者四代瘞

貧喪者七歲暮焚券以紓人急又勤襄公事遺命其

子允紀以田獻書院焉

戴大案字掄一貢生祖父多義行能承先訓輸穀以

濟增置義田族人有賴又捐田合邑為書院膏火其

好義如此

俞式金字北池附貢生世守儒素父萃監生睦族樂

施捐貲輸穀族人賴之式金克承父志行善急公獻

田書院以好義聞

劉文鑄庠生字惠吉事母盡養事兄盡悌尊師興塾捐貲賑貧施藥施棺於人有濟學憲戴以孝義垂型獎之

潘光裕監生順以娛親和以睦族歲歉施粥賑濟途人遺命其孫榮捐田族黨並置田書院僉稱義舉

劉承翽監生少孤敬奉嫡母克敦友愛晚年家境漸饒獎勸讀書於族黨尤有所濟焉

以上舊志

明劉處益性慷慨明洪武年間獻地展拓學基又買山

南陵縣志

卷三十二

人物

十九

爲義塚暨建造名宦祠工山神祠儒學公廳北隅社學皆捐助不受償官府欽其尙義給以扁額

何瓊號白湖以布衣積累至萬金鄉鄰有以急告者

輒解囊舒其困成化七年歲饑勅直隸等處有司舉

富民出粟備賑時僉事吳伯陽同知張鑑俱莫逆友

也推瓊以應即輸穀五百石於預備倉邑侯申郡表

請於朝贈承事郎

何其明字晦之號樂田明嘉靖四十五年葉村灣改

遷新埂以身先爲之倡雖炙膚戰足心力交瘁處之

固怡然也至隆慶萬厯時沿觀渡谷池港改遷亦如

之後又清丈田畝邑侯沈公獎其勤勞申請朝贈義官

張士錦明嘉靖間創作南灣壩導南涇二邑東西兩溝水灌官田湖以下數萬畝有奇利澤及人蓋數百年于茲矣

黃江好學能文入北雍例應授職謁選不果萬厯七年歲大饑捐穀千石活人無算邑侯林公鳴盛詳給扁額嘉獎

何有陽字白塘輕財重義視當世慳吝之徒蔑如也萬厯八年大饑輸糧賑濟縣令高其義申請給賜冠

南陵縣志

卷三十二

人物

二十

帶並扁額獎之

汪琦字玉衡輕財好義子孫之眾至一千三百有餘

十世同居勅賜義門二字

戴愈字抑之家富頗尙義氣歲荒出錢穀以賑饑又

獨修南門城邑人咸稱之

徐道字太字天啟三年慨捐巨款建造楊干橋遺址

至今猶存

張源洛字永成考選鴻臚寺序班營出貲築永濟橋

以利行人至今賴之

管世賢明崇正年間督造明倫堂不辭勞瘁

何漕泗字雙湖性慷慨樂善好施不慕榮利閭里稱之同里許夢熊爲撰墓誌

何友愷字祥文修橋渡濟窮困邑人呈請獎給扁額
鄧榮昌字世顯有德量隱居不仕怡怡自樂構一軒以自娛不事宏敞而靜穆閑雅終日嘯詠其中時因其厚而厚之號曰厚軒先生江西南康府王廷幹著有記

鄧紱昌字世華讀書敦行爲羣倫師表一振流俗委靡之氣時有要津病涉紱昌建造一橋以濟之吏科給事中周怡嘉其能振風俗之靡扁其橋曰振橋著

有記

鄧繼昌字世孝毅然有守時司府奉詔將度田土以均賦稅而難其人胥吏之在官者以繼昌對繼昌允之周覽形勢權算精核一邑稱均平焉司府嘉獎之清程杰中字君常性明敏涉獵經史豪放不羈尤精書法工詩畫崇正癸未歲任守備國變後棄官歸里嘗捐貲修橫山路錢家橋金剛殿西華菴並關聖殿康熙十八年大荒又輸粟賑饑邑人頌之

滕宗魯字東周國初定鼎時清丈田畝宗魯襄助其事不偏不倚邑侯聶旌扁額

文恕家庭間孝友無間年饑出穀賑濟途有殍者見之惻然捐貲備棺木以瘞之順治四年知縣葉廷玠書行高月旦四字贈之

何懋翼字騰之鄉飲大賓康熙間以五圩臨大河屢瀕於危設法培築數百年後得以保全無恙邑侯沈公以督築奇勳獎之扁額

張德鏢康熙間大饑餓殍相望鏢惻然與其妻謀之曰當此茫茫浩劫中能活一人命便積一分德遂日出所餘以濟途人

吳萬興字恒先振頓圩務力爲其難邑令宋廷佐獎

以濬川有功扁額

汪有恩字繼善性好善見人急難輒解囊濟之卒年九十六郡守宋敷旌以人瑞二字

程士興號啟菴家素豐里中有陶頑者以欠賦久繫獄中將鬻其妻子以求贖士興慨然與銀三十兩無德色子華一有父風嘗輸巨貲建新會橋與橫板橋載有碑記

黃昇字旭初天性肫篤得親歡心兄弟析居父厚給莊田以寵異之諸弟不平昇遂讓之或謂其愚昇曰吾生平凡有喫虧皆處之坦然今乃爭此於骨肉乎

終不取

葉仁初家素封歲饑賑粟千石又馬橋水道設法疏通並造大小石堰以灌溉孔村宅前田畝葉氏子孫世世奉祀焉

程際錫字錫齡號夢得性極慈祥嘗語人曰爲人當有濟於人徒擁厚貲適足爲子孫累吾甚鄙之善醫術病者求之無弗應一日有偷兒穴牆入家人欲擒之錫曰此不過爲飢寒所迫縱之可矣何必爾明日其人來謝錫勸戒諄諄且予以金後卒爲善人

諸琴堂生平重氣節嘗設帳維揚一時貴顯皆折節

南陵縣志

卷三十二 人物

二十三

與交琴堂嘿然惟終日杜門課讀而已性尤慈祥見有貧困者輒以束脩與之嘗曰廣厦千萬庇盡天下寒士惜有志未逮耳年八十餘卒

方岳字智川貢生乾隆三十七年洪水潰圩由林都西南隅直入居民苦遭昏墊岳乃慷慨解囊凡圩之缺者補之圯者築之閱數年功始竟迄今樂利焉
陶海門例貢生性豪邁尤有膽識乾隆乙巳旱及次年大疫海門籌平糶施藥餌活人無算又邑有騾馬役民苦騷擾海門奮然曰騾出自國帑未聞責諸民也力請於令而罷之卒於道光六年

張謇字廷魚置義田周給親族嘉慶元年舉孝廉方

正省志義行

劉璇字宏璣性好施與嘉慶甲戌歲大侵斗米千錢道殣相望璇獨捐金以爲之倡有胡席珍者與璇有戚誼貧不能婚璇慨然助以百金人尤義之

陶斯信字正顏因先人曾建有甯太橋至是傾圯乃承先志出重金建焉

陶啟民字彝生號心田好讀書有經濟才曾修府縣志葺聖廟廡廊邑人咸欽重之

夏逢年性慷慨嘉慶十五年捐銀百兩獨建石橋名

南陵縣志

卷三十二 人物

二十四

曰土地橋以濟行人

劉步雲字蜚蜚少孤力學中年究心岐黃暮夜求之無弗應者嘉慶十九年邑大饑捐金爲汎舟之役邑侯以恤鄰陸里扁額獎之高祖父窀穸未安雲負骸骨跣行七十里營葬積雪脛凍墮一指歸猶不自知其純孝如此省志義行

劉沆字雲起慕義強仁鄉黨尤被其惠邑修理儒學

沆一身任之

省志義行通志孝義

何鴻梅孝友樂施嘗修橫山道路行者便之嘉慶十九年旱捐銀五千兩助賑全活無算叙運同銜

省志義行

何鴻霖事母以孝聞人以急告必周恤之歲施藥物全活甚眾嘉慶十九年旱助賑銀二千餘兩議叙通

判義省志行

胡有遐事母至孝為從兄完娶為從嫂立嗣養贍以

完其節又獨建延壽橋造義渡立義祠創文會捐貲

救荒費金逾萬家致中落不悔義省志行

王文粹父元趙監生敦善施惠必求實濟文粹嘉慶

三年歲貢署理含山訓導嗣府縣修志延為採訪協

纂素性孝友遵父遺命捐田一百二十五畝為族義

田又捐八十餘畝入書院歲饑疫助賑施棺費數千

南陵縣志 卷三十二 人物

二十五

金眾欽其義父子均蒙奏請得建樂善好施坊子作

霖孫廷弼嘉慶道光間亦疊捐銀助賑義省志行

紀可傳貢生幼喪母事繼母如生母與異母弟同居

五十餘年不析爨遇鬻妻者給金全之建橋梁施棺

木歲饑助賑始終不倦義省志行

劉希宗歲饑為粥於路以食餓者嘗拾遺金冒雨久

立候其人還之義省志行

盛士祺母歿三年不入私室營養贍從嫂又為從姪

完娶嘉慶庚午大水圩將潰備椿木督眾力救得完

甲戌旱捐貲助賑粥凡邑有公事竭力襄助時府縣

修志皆躬與其役兼綜出納閭邑欽其廉介義省志行

陶宏樸字愚齋慈惠好施無倦色力不給則稱貸以

與之病革遺命鬻田宅以償所負而盡焚負己之券

義省志行

朱世則字上章父兄早逝弟幼姪孤世則飲食教誨

惟恐弗至生平尤慷慨樂施道光辛卯邑侯宋公倡

建澄清橋嘗捐銀數百兩以襄厥成焉

何維鏞性慷慨見義勇為道光間府縣城垣亟待興

修款無所出維鏞倡捐銀兩卒集鉅貲俾克竣事旋

議叙以旌其勞

南陵縣志 卷三十二 人物

二十六

劉椿陽性渾厚尤明大義道光丁酉慨捐巨款督修

郡邑城垣

戴道熊字恩榮儉以自持然於地方公益事靡不捐

貲先為之倡嘗助田數十畝一為家廟隆祀事一輸

入書院以給士人膏火道光辛丑年奉旨建好善樂

施坊

秦進良字配昌性尚義好周人急道光壬寅年時疫

盛行購藥逐戶給之多賴以濟且見貧而未婚歿而

無後皆量力扶助之年八十餘卒

秦時鏡字及肅生平孳孳為善如恐不及道光己酉

大水道殫相望與姪春鳳散穀數百石挨戶計口給之且每有借貸不責人償至歿時悉焚其券

穆振彬家頗充盈道光二十九年大水彬族四十餘家人多苦飢彬購大鍋四煮粥以食之彬無子次年生一子卽名曰粥生

張進璧字周臣家富有道光二十九年水災道殫相望璧慨然曰擁倉箱而視人餓孱仁者弗爲乃盡散積粟以濟鄉里

秦澤臺字秀南道光二十九年歲荒散米百餘石以濟餓者且每值歲暮周恤窮乏不責其償還故鄉里

稱爲善人

俞汝霖字印堂號遺書家巨富性極慷慨濟人之急如救焚拯溺道光二十九年大水爲災民蕩析離居慘不忍觀汝霖與堂弟齡胞弟楨幹等輸稻數千石以賑之又本族每人給稻一石次年春又每人給錢五百文嘗曰財貴能聚尤貴能散積而不散禍之媒也況人人皆飢而一家獨飽心何忍矣其慈祥愷惻類如此

方民高慷慨明大義道光二十九年大水闔家病甚醫藥餽粥俱缺民高鬻妻得財奉親並全一家後力

耕養父兄弟和睦終身不復娶卒以姪爲子壽九十

三

陶中安性直而慈道光己酉同治戊辰兩次水災設法賑濟咸豐時陶士霖辦國防中安設立志城局以濟餉糈尤資臂助且口不言功人尤重之

張秉義性孝謹輕財重義道光間奉慈母命慨捐巨資建造一橋名曰慈濟橋至今猶存

陳錫恩好施與遇貧困輒救之嘗有人哭泣於途聲甚哀詢之曰貧無以自存不得已將鬻此小兒以度日言已又哭恩惻然以銀二十兩給之令負歸並囑

以勿洩其隱德如此

汪元修字啟豐性狷介一日途中獲遺金坐守其人還之人皆笑其癡修曰臨財無苟得獲遺金而取之是苟得也論者謂元修癡而不癡

何鴻字少塘造聖宮建橋梁歲荒出粟賑濟邑侯旌其門曰尙義善人

秦先謨字廷猷道光間獅子橋傾圯謨獨解囊採木修造不煩公費年六十七卒

秦時舉字琢成家雖素封無紈袴習氣尤孳孳爲善嘗獻市基暨田畝助族創私塾興會課至爲鄉里排

難解紛猶其餘事

余英和有義俠途經一字橋見傾欵欲墮慨然出金百兩重修由是踴躍輸將者多鳩工庀材遂不日告竣

劉宏慶字碧山性慈善邑東溪灣有思古橋者石欵將圯慨捐巨貲獨力重修其仗義有足多者

黃文朝性慈善客金陵時適邱某爲豪家索負急窘甚將鬻其女朝見之惻然解囊與以金無吝色

劉鍾華字漢章稟承先志於新建圩捐義田四十餘畝以興書院士林德之

南陵縣志 卷三十二 人物

二十九

劉運頤字志伊號直齋居心仁厚好施濟臨終謂諸

子曰汝曹當善繼我志後子四人家雖不豐遵守遺訓爲施棉襦者五載

黃思字慎衷家饒而自處約常以有餘濟族之貧者構宅不事華麗曰與其侈費峻宇雕牆曷若留以周至急吾輩誇潤屋而族里苦飢寒何忍哉故其所居僅足容膝儉樸之風子孫猶世守之

劉燦產不甚豐而濟困賑窮絕無慳吝態嘗稱貸完人夫婦不責其償人尤稱之

劉翰號墨林性孝操守廉潔早年失怙依依母氏不

忍一日離嘗讀書至哀哀父母句輒欵歎太息不自勝至其綜理家政勤勞公益無偏無私尤足爲一邑矜式

汪富五字陵陽性好善鄰有何某善事父母苦斷炊至不得已思鬻妻以供甘旨富五知之贈以金又同族某幼失怙恃零丁孤苦撫之成立並代爲婚配其他如捐貲興義學修造籍山書院察院甬道本族宗祠莫不孳孳爲之如恐不及初艱於嗣後生六子人皆以爲德報

江剛中字浩然號養吾家素饒力行方便族中賴以

南陵縣志 卷三十二 人物

三十

舉火者數十家嘗種田百餘畝每值年歉凡購穀者必減其價以售之人呼爲青州續命田

王秋順性耿介家貧備於同村翟宗茂家茂父積有銀幣三百窖而藏之後病卒茂屢掘不獲一日順種菜鋤至李樹下得一小纒啟視卽其父窖銀三百也歸告茂欲酬以五十元順曰此汝父之遺也於順何與力卻之

孫由炮字光烈性好施與孜孜爲善里有某氏子鬻妻償債將成券炮知之詢明逋主慨然解囊某氏夫婦遂得完聚

葉鴻綸字蔚堂少好讀書爲諸生時聲稱藉甚五薦不售遂循例貢成均事親孝母病刲股以療之好施與歲荒煮粥賑饑並給藥餌嘗遇一丐者患惡毒腥臭穢不可近綸治之愈謝之且誓必相報綸曰聞汝有老母但能孝敬是即報我矣何謝爲咸豐元年舉孝廉方正子紹聞字耀卿廩貢生品學端粹能世其學從遊子弟殷殷訓迪成就甚眾時以爲賢

朱霖字硯田咸豐癸丑髮逆猖獗遭荼毒者不可僕指數霖獨舉義旗招鄉勇以保衛地方不逾年卒人咸惜之

南陵縣志

卷三十二 人物

三十一

郭維清性慷慨咸豐間粵匪蹂躪下北鄉奎潭鎮設保定局清毀家紓難慨然捐銀百餘兩以繼餉精當萬分危急中頗賴以維持云

張振謨年三十喪妻不復娶五世同堂壽八十六卒

省志
義行

秦珂字於道號石亭性明敏讀書輒記憶不忘孝事繼母閱晉書王祥傳把卷流涕咸豐時粵匪竄入橫施擄掠凡陷賊中者必脅之使降否則黥其面以識別之珂則曰面可汙志不可奪其倔强如此

秦釗字翊卿幼穎悟嗜讀尊尙氣節取與尤嚴一介

嘗有大賈構訟自知理屈不能直夜懷金乞助釗揮之賈慙而去

李章翰字春華性慈祥精醫術咸豐間遭洪楊亂爲兵所虜嘗見有童子年甫十三將被殺翰匍匐泣救得免詢知爲蒲圻鄭氏子且三世孤孀只此一息翰惻然潛攜以逃致諸其家並厚贈之

陳禮少孤王父母絕愛憐之家境極窘年十歲始受業於汪粹亭先生焚膏繼晷孳孳不怠後數年游庠食餼時王父母已歿禮曰吾今日庶稍慰九泉之望也其刻苦能自樹立如此

南陵縣志

卷三十二 人物

三十二

黃守興性聰穎通經史性友愛中年遭同產喪每歲時輒潛然流涕又嘗拾遺金守還其主纖毫不染也壽八十有四終

盛貞字介夫號柳江天性極厚事繼母如事生母友愛兄弟至老無間至取與尤風骨凜然遭粵匪亂困苦流離嘗有至親呼而進之曰子一貧至此尙守此頭巾氣何爲近日賣兒鬻婦踵相接苟能日書一券可得百錢過生活言畢遂以硯一筆一破爛紙一頁笑而受之出門至江邊擲向波濤中日死則死耳此何事而可以爲耶其操守如此

張賢舉舉鄉飲賓質樸有古人風咸豐乙卯籌辦團練賢舉慷慨輸銀六十兩以爲之倡邑令嘉之獎以急公好義匾額後當得保獎辭不受

張作霖字聯璧咸豐六年邑城陷匪竄入鄉屠戮頗慘霖思有以救之乃給匪自請効用允之見有被執及不從匪者必力爲援救得免甚眾

汪宏貴字濟人性慷慨咸豐七年粵匪肆擾舉辦本邑團練以餉精不繼捐銀百兩以助之

陳熙字翰香咸豐七年公舉本鄉保定局經理力任艱巨一方賴之

何廷芳字餘香太學生性剛直遇有理之屈者必面斥其非不稍貸咸豐庚申辛酉粵匪猖獗擔任志城協防等局團練事務與陶士霖苦心籌畫地方賴以安謐精岐黃術有酬之者恒卻而不受享年七十有三

劉德時字美善洪楊之亂於道上獲刀一柄經周門陳村突遇亂兵棄而逃兵索之急弗得謂村人曰若得某來便饒全一村性命否則盡殺之其無悔時聞而自首一村始得無恙同治間入祀邑忠義祠

劉宅田字涇陽性極嚴重操守凜然咸豐兵燹時奔

竄流離忍飢累日有一不甚相識者憐而飯之宅田拂袖而去曰無故而受人惠與盜泉嗟來奚啻焉其潔身自好如此

劉樹棠字蔭江增貢生詹事府主簿幼失怙母守節撫孤賴以成立洪楊亂時與族人劉宅田等赴省避難同肄業敬敷書院迭邀優獎同治初返里適邑侯張世昌卒於官是時羽檄紛馳署中度支告匱幕友請棠暫行護印權宜辦事前後共計十有二日城鄉帖然後重理故業課徒自給成就者甚眾至其創設勸農局招集流亡開墾以及清釐公產勸募鉅款督

修聖廟明倫堂等尤矢慎矢公光緒間邑侯宗能徵修南陵小志知其習於鄉邦文獻因延爲採訪云王日華號叱瞻性剛毅勇於爲善咸豐間粵寇肆擾華與牧少游練上北鄉民團防禦之嗣湘軍肅清縣境滿目瘡痍惻然心憫乃會同劉涇陽劉蔭江張少瞻等赴祁門縣曾文正公營撥領餉銀四千兩牛糧籽種散給各鄉是日勸農局維時地廣人稀絕產爭訟者不絕又議設保釐局田事由局談判之其他修聖廟建忠義節烈祠尊經奎星閣文昌宮縣署並籌保甲積穀種種義舉尤不勝俚指云

陶鵬程字君習性穎悟善算術咸豐時粵匪竄入境內地方舉辦團練公推鵬程任會計擲節出入無一毫私故團練餉源得以不絕邑人咸重之

朱文恩字子惠以勤儉起家田連阡陌歲歉出穀以賑饑鄉人婚嫁無力及貧不能養妻子者仗助尤力一時鄉論翕然

俞鏡字東明號鼎新例贈修職郎有血性雖歷艱難險阻氣不爲餒嘗曰不遇盤根錯節奚以別利器也咸豐時粵匪陷邑城陶士霖督辦團防名曰敬勝勇營長陳科登駐紮白水塘與賊爲犄角之勢鏡與胞

兄齡姪世泮等傾囊助餉且併力擊賊賊退地方始得稍安

王芾棠字退仙性慈祥精醫術活人無算族中有婚喪每人補助錢二十串鄉里災荒出貲賑恤無吝色生平最孝曾祖母病湯藥躬親不離牀側至邑中書院積穀聖廟名宦鄉賢昭忠祠規畫經營尤不遺餘力著有小學孝經闡要醫理地理辨難諸書

張賢楷號竹溪道光己酉拔貢仕至江蘇知府同治三年辦理江蘇軍需時邑遭兵燹凋敝日甚楷常節用以周困乏六年辭官回籍講經課士式化鄉里生

平師事順德羅愷衍先生嘗採所著書中精語約爲正心地十條慎言語八條垂爲家訓又募捐建忠義節烈兩祠歷三載始竣餘款存儲生息俾以供祭祀之需以故邑人稱其賢

楊渭鍾字有順慷慨好義同治乙丑創修本邑龍泉橋便民來往至今德之又施義漿以周濟途人雖費不惜年七旬餘卒

張振翰字少瞻強幹饒才識同治丙寅年辦理邑中勸農局朝作暮思眠食盡損形體瘠於往昔人勸之則曰但使一人瘦而一邑肥尙有何憾時值粵匪亂

倍遭蹂躪後元氣漸復賴其宣力爲多

楊銀字熙如邑庠生同治元年投効淮軍隨軍至江蘇歷充軍米局及糧臺委員先後保舉以訓導遇缺卽選並加提舉銜賞戴花翎十三年歿於揚州差次銀生平廉謹綜核細密處脂不潤而急人之急則仗助不吝故時以爲難能

姚振昌字篤材性爽直任事勇敢同治兵燹後與劉金圃張少瞻王祀瞻等辦理勸農局闢地利集流亡力爲其難光緒初會匪起昌慨然赴郡請兵地方賴以復安厥功尤著

姚振棟字良材持身儉而存心最厚邑中義塚安賢各慈善事靡不孳孳爲之年七十餘卒

秦珍字秀升踴躍從公操守不苟光緒二年監造大成坊積勞卒年五十餘

秦森字蔭秋熱心公益桃木渡失修森募費修造經理十餘年並置有田畝焉

陳鐘鼎號大鏞讀書明大義性嚴而憚人有不善輒面斥之每值鄉鄰有爭執事得鐘鼎片言則立解光緒間監修大成殿督建崇聖祠協修書院倡建尊經閣殫竭心力不辭勞瘁卒年六十餘

王金鑾字靜山歲貢生洎樸無華飾不苟隨流俗尤饒血性嘗有里人子鸞爲僧鑾憫其家世單微後嗣將不續慨然釀金贖之生平教授弟子善誘循循坐擁臯比終日不問外事故一時成就甚眾

方穀字均甫恩貢生候選教諭讀書勵品地方公益如籌建春穀書院文廟文昌宮魁星閣養正學堂育嬰堂尤熱心擔任光緒間邑侯宗能徵修南陵小志曾延爲採訪年七十一卒

強瑚性仁厚光緒間建造老河橋又重建濟人橋

劉讓恒字北山性仁慈凡親友中有困乏者輒周以

粟有借貸者不責以償指困焚券具古人風光緒初重修邑之東溪橋公舉董理其事墊款甚鉅人議籌還乃獨慨認作爲捐助光緒二十七年秋成歉薄邑境大荒冬季倡募棉衣數百件分給貧乏聞風興起者多眾賴以濟卒年八十三

曹國楨字冰卿讀書有大志不屑爲章句學性極懇摯尤饒識力當歲暮時親族有貧乏者輒陰以己財與之不使之知亦終未嘗宣諸口光緒庚子年盜賊遽起創辦西鄉民團地方賴以安堵卒年僅五十有三遐邇共悼之

秦模字達枝號楷亭同治丁卯舉人候選教諭任無爲州學正生平沉默寡言地方公益事如建魁星閣大成坊暨修府城垣靡不踴躍爭先迨事成後絕口不言功人尤賢之

朱芳字發春廩貢生黽勉從公不言勞瘁光緒間建造文廟青雲樓邑侯宗能徵修南陵小志延爲採訪卒年八十有七親見五世一堂

何兆鴻字渚陸少慧始因兵燹由儒而商繼復棄商而儒光緒間修文廟建大成坊造青雲樓年六十餘卒

王明顯字懋德性慷慨修造橋梁道路皆踴躍輸將
光緒十七年督修春穀書院王氏講堂告竣後卽以
所捐餘款購田數十畝爲修理之需邑人咸以爲賢
孫江海字涵濡性好善仗義疎財見有枯骨輒瘞之
遇行人缺資斧者靡不量力補助以及夏給義漿冬
散棉絮種種善舉皆忻然樂爲又長江青山名燕子
磯者波浪洶湧時有覆舟之患江海設法於山足置
椿繫纜俾狂風掀蕩時舟子執持以行人人稱便利

汪金聲字賽鐘天性極厚尤有操守叔析產欲厚其

南陵縣志

卷三十二

人物

三十九

子聲知之卽以所遺讓之邑有豪者嫁禍富家某某
窘甚聲力爲昭雪報以金弗受且曰以天道論之爾
冤自當白余何力之有焉年五十餘卒

余國卿字賓松爲人正直遇事敢言每值鄉鄰有糾
紛事極力排解雖舌敝唇焦不恤也光緒末創修苗
內踏水橋至今往來過客咸賴之

孫錫齡好解推遇有窮困惻然憫之拯救如恐不及
又每年散給棺木以掩途人之斃者所費額不貲
奚瀛字嘉祥幼孤貧事祖父母竭力奉甘旨性狷介
不義之財視之若浼終身惟館穀自給年五十卒

孫漢波字于臯性和厚孳孳爲善於荒年助賑外仍
復捐資設立義塾以惠後進里人德之

黃嘉銳字品瑚性仁厚授徒里黨多所成就里有惡
豪屢犯不與校卒以德化之後由歲貢選太和縣教
諭光緒間邑侯宗能徵修南陵小志延爲採訪後任
邑教育會長暨春穀堂長卒年八十餘

潘紹基字甫臣性樸直尤孳孳公益事倡修春穀考
棚明倫堂以及桐村壩保圩公所又辦本邑崇本小
學及積穀年六十餘卒

孫定邦字安輔性誠懇義利分途辨之極嚴嘗修橋

南陵縣志

卷三十三

人物

四十

梁平道路設義塾寒畯聰穎子弟必勸其入學光緒
二十六年教匪猖獗舉辦團練鄉里賴之卒年六十
餘

徐炳章字有榮性好施與家素豐遇有善舉雖費多
而不惜本邑內有一大橋係銅南必經之路章乃獨
力創修來往之人咸頌德焉

孫克勤字于邦先世家富饒勤雖席豐履厚恒惓惓
焉以利人濟物爲心修道路建祠廟以及後進才而
貧者必多方獎勵並籌巨款以助其膏火年五十餘
卒

丁永棟號秀峰性狷介尤極慈善族有貧且瞽不得已而鬻妻者棟解囊脫其厄又里有公款眾舉棟司出納廉潔自持卒年六十餘

俞錫璜字渭臣號家祥附貢生候選訓導熱心公益如築甯太石橋督修熊保圩堤埂皆不惜孳孳爲之光緒中邑侯宗能徵修南陵小志延爲採訪宣統間東北兩鄉迭遭水患嗷嗷待哺者不下數萬戶璜晉省求賑時值庫款奇絀屢求不獲璜勺水不飲依牆泣者數日上憲鑒其誠允之至今東北兩鄉受其惠者時時道及焉

姚玉成字石樵廩膳生工篆籀以鹽官需次兩淮生平重意氣於鄉人士懇摯如家人每以宦游久不能親桑梓爲恨年六十六歿於滬北工巡捐局差次王以蕃增生篤志好學凡經史子籍以及有關土俗民風之書皆喜藏弄之嘉慶時家有本邑志一部適遭咸豐兵亂蕃抱殘守缺僅遺失節孝志一卷光緒時邑侯俞炳章倡修志乘蕃子積德檢出送署頗賴以資參考

何國祥字舜卿性沉默好讀書嘉慶時藏本邑志書一部惟首本序文殘缺邑侯俞炳章倡修志乘徵求

舊本祥檢交束生兆熊送署與王以蕃志書合之爲兩美焉

朱昌琳字雨田祖籍安徽居南陵縣治七世祖小曾幕游湖南因隸籍長沙昌琳秉承先人遺訓謂後世子孫若稍樹立當歸原籍無忘祖系所自出昌琳謹識之同治五年乃於南陵置田宅遂家焉光緒二十一年呈請以子恩綬歸南陵籍昌琳生平急公好義鄉黨皆敬其爲人官至內閣學士三品京堂子四長彝清廩貢福建候補道次恩綬廩貢皖南鎮總兵三恩綬舉人三品京堂四恩綬庠生法部郎中

劉弗增字欽甫廩貢生有至性親病侍湯藥弗懈事繼母尤無閒言親歿哀毀骨立兄疾醫藥調護甚備族人某幼時因亂流離宣城湯姓無嗣收養作子比長弗增始知其事招令歸宗並爲湯姓立後各伙助養贍兩姓宗祧賴以勿墜復修宗祠增置義田興設學塾垂四十載凡族中貧乏或遇災歉均解囊相助無吝色弗增好文學樂育後進往往資膏火以振寒畯又善醫術每當疫癘之年恒製配方藥分贈患者邑人每稱頌之至邑中建造要工如文廟明倫堂尊經閣魁星閣文昌宮降福殿春穀書院養正學堂旁

及育嬰義塚城池關閘鄉鎮橋梁道路等事舉引爲
已任迭捐鉅款其後任城內自治公所總董兼管團
防咸能不辭勞怨己未春議修縣志公推綜理局務
悉心籌畫井井有條惜志未竣而卒卒年七十歲

何英號聘承廩生善醫術活人甚眾生平急公好義
光緒季年邑中洪水爲災因於宣統己酉歲與諮議
局議員陶琨設立泰豐圩務公所庚戌又與俞錫
璜稟請邑令程於東北圩鄉之熊寶圩創設總圩務
公所釐訂章程經營十餘載隄防完固收效頗巨已
未邑令章請准給獎扁額一方是歲復遇水災親與

邑人協辦賑務事畢叙績得五品獎此外充農會會
長春穀學堂舍監縣議會議員地方財政局局長金
閣鎮區自治會議長凡於公益事宜措置周詳聲望
卓著嗣值邑中修志被舉爲局董旋歿年六十八歲
以上新增